

弘簡錄卷八十五

刑部員外郎仁和邵經邦弘治

皇清翰林院侍講學士四世孫達

天正宋一之一

太祖皇帝姓趙氏諱匡胤涿郡人高祖眘仕唐歷永清文安
都令曾祖挺藩鎮從事累官御史中丞祖敬暨營薊涿三州刺
史贈左驍衛上將軍父弘政是爲宣祖少驍勇善騎射事趙王
銘爲將將五百騎援唐莊宗于河上有功莊宗愛其勇留典禁
軍漢乾祐中討鳳翔王景戰于陳倉蜀兵來援矢集左目氣
盛奮擊大敗之以功遷護聖都指揮使周廣順末敗鐵騎第一
軍復轉右廂皆都指揮俄領岳州防禦使從征淮南前軍却
人來乘邀擊敗之顯德三年督軍平揚州與世宗會壽春累

檢校司徒爵天水縣男卒贈太尉武清軍節度使母杜氏後室
天成二年二月十六生太祖於洛陽夾馬營體有金色三日
變初從辛文悅肄業嘗夢迎駕及見乃是匡亂甚異之長學
射輒出入上嘗試惡馬不施銜勒馬逸觸楣而墜人憂其首必
碎太祖徐起追馬騰上一無所傷與韓令坤博士室中因雀
競起掩捕室隨墮因得無災漢初漫遊無所遇舍襄陽浮圖
老僧顧令北往果遇周祖征李守貞遂應其募得居帳下廣
初補東西班行首拜滑州副指揮世宗尹京轉開封馬直軍使
卽位復典禁兵從戰高平樊愛能遁軍以危太祖亟馳馬麾衆
衝其鋒漢兵大潰左臂中流矢不顧乘勝攻河東城其月還
拜殿前都虞候領嚴州刺史父子分典禁兵從征淮南
衆于渦口斬兵馬使何延壽等南唐兵十五萬塞清澗關擊走

之追至城下節度使皇甫暉願成列以決勝負笑而許之暉整
陣出太祖擁馬項直入手刃暉中腦并姚鳳擒之夜半宣祖率
兵至傳呼開門太祖曰啓閉王事也詰旦乃得入令坤臣下揚
州遇援兵大至將議棄城世宗命率兵二千往救至六合下令
曰揚兵敢有過此斷其足令坤懼始固守尋敗齊王景達于六
合東斬首萬級還拜殿前都指揮領定國軍節度使從征壽寧
拔連珠砦遂下壽州徙節義成軍加檢校太保從征濠泗爲前
鋒敵砦于十八里灘世宗方議以橐駝濟師太祖忽躍馬截流
先渡麾騎隨之遂破其砦因其戰艦乘勝攻下泗州南唐屯滻
口從世宗翼淮東下遂拔楚州進破鑾江口直抵南岸焚其營
柵又破之于瓜步淮南平唐主畏祖威名用間使遺書餽白金
三千兩太祖悉輸之內府間乃不行改節忠武軍世宗北征爲

水陸都部署至瓦橋關守將姚內斌引數千騎來拒戰敗降之
關南平世宗在道偶閱四方文書忽得韋襄中題云點檢作天
子心大異之時張永德爲點檢世宗不豫還京命太祖代之加
檢校太傅恭帝卽位改節歸德軍檢校太尉鎮定三州告河東
劉鈞結遼兵入寇朝議遣太祖率兵禦之以元年正月辛丑朔
出師副點檢慕容延釗將前軍先發都下謠言冊點檢爲天子
惟內廷不知癸丑大將繼出次陳橋驛戊夜軍士集驛門宣言
願推戴衆不可遏遲明直迫寢所太祖方起諸校已露刃列于
庭誼曰諸軍無主願太尉爲天子尚未及對輒以黃衣加太祖
身羅拜於前呼萬歲卽掖上馬太祖攬轡誓諸將曰我有號令
爾能從我乎皆曰唯命太祖曰太后主上吾北面事之不得驚
犯大臣替我此肩不得侵凌朝廷府庫士庶之家不得侵掠里

令有重賞違卽孥戮汝諸將皆再拜聽命肅隊以入秋毫無犯
先遣客省使潘美見執政諭意旣至進登明德門令甲士歸
退就都點檢公署有頃諸將擁宰相范質等至太祖見之流涕
嗚咽不勝曰吾受世宗厚恩爲六軍所逼一旦至此慚負天地
將若之何質等無所對相顧降階列拜召文武百僚至哺時執
定宣徽使引就廷宣讀周恭帝禪位制書北面拜受已宰相該
升崇元殿由東序服袞冕登座卽皇帝位羣臣朝賀畢遷帝及
符后于西宮降號鄭王後居房州尊符后爲周太后

建隆元年春正月乙巳遣官告天地社稷大赦改元定有天下
之號曰宋加恩徧及諸僭國諸鎮將帥以書告南唐吳越等受
禪之意贈死節韓通中書令命以禮收葬加石守信王審琦
懷德張令鐸張光翰趙彥徽各領節度使餘並進爵范質王

魏仁浦並同中書門下平章事樞密使吳廷祚同中書門下三
品各賜襲衣犀玉帶鞍馬有差進趙普官乙卯遣使分賑諸州
是春均房商洛鼠食苗宿州火遣使恤災丁巳作周六廟于京
遣官歲時享祭命周宗正郭玘守奉陵廟癸亥加恩諸節
符彥卿王景李穀殷高保融等咸進封爵甲子賜皇弟匡義
光義已巳從張昭議依隋唐以來立四親廟冊諡高祖文獻
帝廟號僖祖妣崔氏文懿皇后曾祖惠元皇帝廟號順祖妣
氏惠明皇后祖簡恭皇帝廟號翼祖妣劉氏簡穆皇后皇考武
昭皇帝廟號宣祖遂視學增葺祠宇塑繪先聖先賢像自爲贊
書于座端令羣臣分撰餘贊命崔頌教國子令武臣讀書知
治之道於是臣庶始貴文學中原有主契丹與北漢軍皆遠二
月乙亥尊母南陽郡夫人杜氏爲皇太后丙戌從幸

長春軍勝軍臣衣各一
三月賜進士劉禹等十九人

弟出身改天下郡縣之犯御名廟諱者丙辰南唐李景吳越等
叔遣使來賀卽位壬戌定國運以火德王色尚赤臘用戊蜡
廟社皆用臘日命竇儼改定周樂文爲文德之舞武爲武功之
舞十二順爲十二安上其樂章夏四月癸巳親征澤潞平李
五月己亥朔日食六月癸酉有星赤色出心又出太微垣歷
相大赦減死罪免澤潞今年租丁夫給復三年錄陣沒子孫
七月幸大梁改爲東京開封府洛陽爲西京河南府戊申還
以趙普爲樞密副使詔殿前侍衛二司各閱所掌兵揀其驍
升爲上軍諸侯長吏各選部內兵送都下以補禁旅之闕定
壯卒爲兵樣分送諸道召募教習大懲藩鎮之弊更立戊法
遣禁旅戍守邊城使往來道路以習辛苦均勞逸自是將不

專其兵士卒不至於驕惰皆普謀也八月戊辰朔御崇元殿
入閣儀壬午以光義領泰寧軍節度使甲申立琅琊郡夫人
氏爲皇后己未親征揚州平李重進冬十月命賑揚城民米
一斛十歲以下半之賜脅隸爲軍者衣履遣還攻城役夫死者
人給絹三匹復三年十二月丁亥還宮以竇儀爲翰林學士
卯留從效稱藩是歲三佛齊占城諸國遣使貢方物

以後不錄

二

年春正月丙申朔稱慶太后壬子命度民田河南令李瑤坐賊
杖死左贊善大夫申文緯坐失察除籍上語宰臣比命使度田
多邀功敝民當慎其選上惡昔日藩鎮率遣親吏視民租入公
取羨餘二月遣使監輸民租詔有司考古式作爲嘉量以頒天
下新制既定宿弊盡革中外大以爲便癸酉賜進士張去華等

一
在
一
人
夏
四
月
癸
巳
朔
日
食
壬
寅
詔
郡
國
遣
戶
部
代
帝
王

寶臣陵冢已酉無棣男子趙遇詐稱皇孫伏誅五月乙丑天

星墜西南六月甲午皇太后崩己亥從羣臣請聽政於別殿自

此至乾德元年不御正衙受朝賀權停時享辛丑見百官於紫

宸門庚申釋服八月壬寅上以諸郡長吏率多武人防禦仇趙

故入州民馬從玘罪流之海島自是親決庶獄多所矜恕苟情

涉妬害必加重辟因語宰相人命至重五代以來諸侯跋扈枉

法殺人朝廷置而不問自今諸大辟所屬軍州決判訖錄案奏

聞委刑部覆訊著爲令辛亥女直遣使奉表稱賀仍貢馬

金國之始

庚午命脩周世宗實錄十一月甲子皇太后祔廟癸酉沙州節

度使曹元忠瓜州團練使曹延繼等遣使獻玉鞍勒馬十二月

壬申回鶻可汗景瓊遣使來獻方物

以後不錄

庚戌畋于近郊帝頗

好遊畋無歲不出因逐兔馬蹶墜地刺殺其馬旣而悔曰吾爲

萬乘主輕事遊獵馬有何罪哉遂不出畋是歲幸造船務觀習

水戰幸王津園相國寺

以後不錄

三年春正月己巳賑淮南饑詔

郡國長吏勸民播種甲戌廣皇城癸未及二月丙辰連幸國子

監庚寅詔文班舉堪爲賓佐令錄者各一人不當者比事連坐

上擢用臣下多出宸斷內外臣僚不以官職高下有公清才幹

文武政事爲時所推者別置簿書錄其姓名每遇華要任使卽

於簿中選擇甲午賜進士馬適等二十五人詔曰朕應運開基

推誠待物渴聽讜言庶臻治道自今百官朝對內殿起居並須

直陳時政利病百姓疾苦刑獄冤濫悉採訪以聞無以觸諱爲

懼先已定竊盜律己亥命更定三月戊午朔厭次霽霜殺桑丁

卯幸太清觀禱雨己巳大雨夏四月延州寧州大雪溝洫冰趙

衛二州旱甲申詔均戶役禁奉使請託縣令考課以戶口增減

爲黜陟敢蔽占者有罪乙酉廣太內及汴城命有司按洛陽
殿圖脩之自春不雨減膳撤樂命使檢諸州旱減京畿河北
罪以下壬寅京師雨上聰明睿智知人任使下僚中有一行
觀一才可取者皆蒙擢用時王明爲鄆陵令廉潔愛民一邑
治以知廣州擢華州司戶李頌贊善大夫延州錄事郭思齊
子中允河陽判官石雄左補闕萊蕪令劉堪左拾遺一時州
皆稱得人八月乙未詔吏部舉書判拔萃科次年覆試中田
封宋白譚利用等壬申脩武成王廟冬十月乙酉朔賜百官
服推廣故事自將相學士諸軍大校以下咸及之恩始于此
吳廷祚罷以趙普爲樞密使變革制度罷石守信等典兵各
就鎮自今節度不領支郡皆直屬京師藩臣有提兵邊防位
兼將相者每被召則奔走而至其術皆自普爲之十一月丙
子高麗遣

李興祐等來朝

以後不錄

十二月丙戌詔縣置尉一員理盜訟置弓

手視縣戶爲差班捕盜令戊戌蒲晉慈隰相衛宿州皆饑命賑之

乾德元年春正月定制以文臣知州縣係以京官職銜權理殊事凡物故遷謫致仕皆不得自專諸州各置通判一員大府二員令統軍兵諸政事皆得專達與長吏均禮並以京朝官充之三月壬辰荆南高繼冲請歸朝籍管內錢帛芻粟之數來上得州三縣十七戶一十四萬二千二百乙未遂克潭州慕容延釗等獲周保權以歸湖南平得州十四監一縣六十六口九萬七千三百八十八減二方管內死罪一等鹵掠者給主及賞立功將士并沒王事斬彥朗男承勲等三十人補殿直乙酉遣祭岳丁亥幸國子監并武成王廟罷白起從祀夏四月賜進士

補祥等八人詔禮部取年貌合格誦書精熟者充覆試不如者
至司連坐定補蔭法自今臺省六品諸司五品登朝第二任方
得補蔭五品少府不在此限辛卯頒建隆應天曆及刑統于天
下時多事之後義倉廢寢詔復置令於二稅外別稅一斗貯之
以備振貸五月丙申詔歷代帝王三年一饗立漢光武唐太宗
廟十一月甲子有事於南郊大赦改元宰相率百官奉玉冊上
尊號曰應天廣運仁聖文武至德皇帝南唐吳越遣使進郊祀
禮物并賀尊號賜近臣襲衣金帶器幣鞍馬有差增光義光美
食邑加普光祿大夫賜功臣號文武臣僚各進階勲爵邑十二
月甲申皇后王氏崩二年春正月甲申著四時聽選式詔近
臣各於見任幕職京官中舉堪任郡守副佐各一人謬舉者並
連坐丙戌賜進士李景陽等八人戊子宰相質溥仁浦懇求避

位從之庚寅代以趙普壬辰始置制舉三科賢良方正能言極
諫經術優深可爲師法詳閑吏理達於教化凡應不限官庶內
外職與布衣草澤皆得充親試以策凡三千字爲限以博州判
官顥贊中選甲辰詔諸道獄詞令大理刑部檢詳或淹留差失
致中書門下改正者重其罪夏四月大旱詔諸州長吏視民田
蠲租不必俟報乙丑始置參知政事以薛居正呂餘慶爲之十
一月甲戌命伐西蜀乙亥宴王全斌曹彬等于崇德殿示以川
峽地圖面授攻取方畧賜金玉帶衣物有差 三年春正月癸
酉朔有事西蜀不御殿受朝甲戌王全斌等克劔門進次魏城
乙酉蜀主孟昶降得州四十五縣一百九十八戶五下三萬四
千三十有九乙未詣撫將吏百姓赦其俘獲除管内逋賦免夏
稅及沿徵物色之半庚申全斌殺蜀降兵二萬七千人於成都

是月賜進士劉察等七人兩川盜起先鋒都指揮高彥暉死之
詔所在攻討五月丙戌見孟昶於崇元殿遂宴於大明殿丁亥
賜將士衣服錢帛戊子大赦減死罪一等授昶中書令封秦國
公子弟諸臣賜爵有差是歲從趙普議始置諸路轉運使自度
支經費外凡金帛悉送京師無得占留所在場務皆令掌管凡
節度防禦團練觀察諸使及刺史皆不得預於是財利盡歸于
上矣辛酉壽星見九月己巳閱諸道兵以騎軍爲驍雄步軍爲
雄武並隸親軍命王繼勳將之四年春正月以孔子四十四
代孫宜爲曲阜主簿奉祀孔廟自五代以來襲封廢絕至是始
復是月賜進士李肅等八人夏五月親策賢良方正姜涉等開
月詔求遺書八月宴宰相趙普樞密李崇矩開封尹光義等於
紫雲樓論及民間事因語之曰下愚之民不分菽麥如藩臣不

爲撫養務行苛虐朕斷不容之普等對曰陛下愛民如此乃盡
舜之恩也十一月初用雅樂命太常和峴討論別造十二律管
以取聲音始和暢五年春正月詔諸道州府各舉遁跡丘園
躬行孝友爲鄉里所重者一人資遣赴闕成都府奏孝子一人
爲親守墳三年有芝草甘露之異擢爲延州主簿密州奏齊得
一能講五經教授於鄉學者遠至擢爲章丘縣簿甲寅降王全
斌等官丁巳賞伐蜀功朝議將以王繼恩爲樞密使上不欲使
居權要之職乃立昭宣景福殿使以寵異之三月五星從鎮星
聚于奎奎魯地分在戌降婁之次主文章占曰天下文明之象
六月戊午朔日食賜進士劉蒙叟等十一人秋七月詔曰夏秋
以來水旱作沴朕念民庶恐致流離其令州府長吏預告人戶
有災傷處並放今年租賦